

Na osnovu člana 29. Zakona o slatkovodnom ribarstvu HNK („Službene novine HNK“ broj: 4/14), Odluke Vlade HNK o raspisivanju Javnog konkursa za dodjelu ribolovnog prava na dijelu ribolovnog područja - ribolovnim zonama za obavljanje sportsko-rekreativnog ribolova na području HNK broj: 01-1-02-1266/24 od 23.5.2024. godine i Odluke o utvrđivanju visine početnih cijena godišnje naknade za korištenje dijela ribolovnog područja-ribolovnih zona na području HNK („Službene novine HNK“ broj 7/09; 8/10; 2/14), Ministarstvo poljoprivrede, šumarstva i vodoprivrede Hercegovačko - neretvanskog kantona, raspisuje

JAVNI KONKURS
za dodjelu ribolovnog prava na dijelu ribolovnog područja - ribolovnim zonama za obavljanje sportsko-rekreativnog ribolova na području HNK

I PREDMET JAVNOG KONKURSA

Ribolovno područje „HERCEGOVAČKO-NERETVANSKO“, odnosno dijelovi ribolovnog područja - ribolovne zone, utvrđeni Pravilnikom o ribolovnom području i granicama ribolovnih voda na području Hercegovačko-neretvanskog kantona („Službene novine HNK“, broj: 3/09), ustupaju se na korištenje davanjem ribolovnog prava za obavljanje sportsko-rekreativnog ribolova na razdoblje od 10 godina, uz plaćanje naknade utvrđene Odlukom o utvrđivanju visine početnih cijena godišnje naknade za korištenje dijela ribolovnog područja-ribolovnih zona na području HNK.

Raspisuje se Javni konkurs za dodjelu ribolovnog prava na dijelu ribolovnog područja - ribolovnim zonama za obavljanje sportsko-rekreativnog ribolova na području HNK, sa utvrđenim početnim cijenama kako slijedi:

| | | |
|----|--|-------------|
| 1. | Dio ribolovnog područja-ribolovna zona Neum | 800,00 KM |
| 2. | Dio ribolovnog područja - ribolovna zona Ravno | 200,00 KM |
| 3. | Dio ribolovnog područja - ribolovna zona Stolac | 1.000,00 KM |
| 4. | Dio ribolovnog područja - ribolovna zona Prozor-Rama | 5.200,00 KM |

II PRAVO UČEŠĆA NA JAVNOM KONKURSU

Pravo podnošenja prijave na Javni konkurs ima fizičko lice - obrtnik, pravno lice ili udruženje sportskih ribolovaca, čija glavna djelatnost razvrstana prema Klasifikaciji djelatnosti (KD) uključuje sportsko - rekreativni ribolov. Prebivalište/sjedište i mjesto obavljanja glavne djelatnosti podnositelja prijave treba biti na području Hercegovačko - neretvanskog kantona.

III USLOVI ZA SUDJELOVANJE NA JAVNOM KONKURSU SA DOKUMENTACIJOM KOJA SE PRILAŽE UZ PRIJAVU

Podnositelj prijave na Javni konkurs prilaže sljedeću dokumentaciju:

1. Popunjen Obrazac prijave na Javni konkurs;
2. Aktuelno rješenje o upisu u registar udruženja građana u kojem se navodi da je udruženje registrirano kao udruženje sportskih ribolovaca;
3. Aktuelni Izvod iz sudskog registra u kojem se navodi da je pravno lice registrirano za obavljanje djelatnosti koja je predmet Javnog konkursa (za pravno lice);

4. Obrtnicu u kojoj se navodi da je obrt registrovan za obavljanje djelatnosti koja je predmet Javnog konkursa (za fizičko lice - obrt);
5. Kopija lične karte i obavijest o prebivalištu za odgovorna lica (svi podnosioci prijave);
6. Obavijest o razvrstavanju poslovnog subjekta prema klasifikacijskoj djelatnosti (od Službe za statistiku za područje HNK),
7. Uvjerenje o poreznoj registraciji;
8. Dokaze da je ispunio obaveze u vezi plaćanja poreza i doprinosa (direktnih poreza i doprinosa - od Porezne uprave FBiH i indirektnih poreza - od Uprave za indirektno oporezivanje BiH) u skladu sa relevantnim zakonskim propisima (ne stariji od 6 mjeseci);
9. Ugovor sa poslovnom bankom o otvorenom transakcijskom računu i potvrdu da je račun aktivan (ne stariji od 6 mjeseci);
10. Potvrdu o nekažnjavanju za odgovorno lice podnosioca prijave - izdaje MUP (ne starija od 6 mjeseci);
11. Uvjerenje nadležnog suda da se protiv podnosioca prijave na Javni konkurs i odgovornog lica podnosioca prijave ne vodi krivični postupak (ne starije od 6 mjeseci);
12. Bilansa stanja i bilansa uspjeha iz finansijskog izvještaja o poslovanju (zadnja koju su obavezni sačinili u skladu sa relevantnim zakonskim propisima - za pravna lica registrirana na sudu);
13. Godišnja prijava dohotka za obavljanje samostalne djelatnosti (zadnja koju su obavezni sačinili u skladu sa relevantnim zakonskim propisima - za fizička lica - obrtnike);
14. Potpisane i opečaćene od strane odgovornog lica, liste izdatih ribolovnih dozvola za prethodnu godinu sa kategorijom i cijenom dozvole (dosadašnji korisnici ribolovnog prava) i Izjavu o ukupnom prometu u prethodnoj godini, navesti sve prihode po kontima i sve rashode po kontima (za udruženja sportskih ribolovaca);
15. Dokaz o broju uposlenih i/ili članstvu (za uposlene - dokaz iz Porezne uprave F BiH - ne stariji od 6 mjeseci, a za članove - Izjavu potpisanu i opečaćenu od strane odgovornog lica);
16. Ponudu visine naknade za korištenje ribolovne zone, a koja ne može biti manja od visine naknade utvrđene Odlukom o utvrđivanju visine početnih cijena godišnje naknade za korištenje dijela ribolovnog područja - ribolovnih zona na području HNK, potpisanu i opečaćenu od strane odgovornog lica;
17. Okvirni plan upravljanja, zaštite i uređenja ribolovne zone koji sadrži: način korištenja ribolovne zone za obavljanje sportsko-rekreativnog ribolova, mjere i način zaštite ribolovne zone, uređenje ribolovne zone, organiziranost (kadar, prostor, oprema i dr.), projekcija broja ribolovaca koji će obavljati sportsko-rekreativni ribolov na ribolovnoj zoni, planirane sportsko - rekreativne aktivnosti;
18. Izjavu potpisanu i opečaćenu od strane odgovornog lica o kompetenciji (znanje, vještine i iskustvo) u zaštiti i unapređenju ribljevog fonda i organiziranju sportsko-rekreativnog ribolova;
19. Pismo podrške za podnosioca prijave na ovaj Javni konkurs, izdato od strane lokalne samouprave sa potpisom načelnika/gradonačelnika, a vezano za korištenje ribolovne zone koja se nalazi unutar administrativnih granica općine/grada.

Svi dokumenti koji se predaju kao dokazi iz ovog Javnog konkursa, moraju biti originali ili ovjerene kopije.

IV KRITERIJI I NAČIN VREDNOVANJA PRIJAVA

Pored dokaza iz tačke III ovog Javnog konkursa pri odabiru najpovoljnije ponude koristit će se i sljedeći kriteriji:

- Prebivalište/sjedište i mjesto obavljanja glavne djelatnosti podnositelja prijave na Javni konkurs na području općine/grada u čijoj je administrativnoj granici ribolovna zona za koju se podnosi prijava, dobivaju 15 bodova,
- Visina naknade za korištenje ribolovne zone - podnositelj prijave koji ponudi najviši iznos naknade za korištenje ribolovne zone, dobiva maksimalnih 10 bodova, a ostali u kontinuitetu po jedan bod manje,
- Broj uposlenih i/ili članova - podnositelj prijave sa najvećim brojem uposlenih i/ili članova dobiva 25 bodova, a ostali u kontinuitetu po pet bodova manje,
- Okvirni plan upravljanja, zaštite i uređenja ribolovne zone bodovat će se u rasponu od 0 do 5 bodova po svakom segmentu navedenom u tački III.17,
- Iskazane kompetencije (znanje, vještine i iskustvo) u zaštiti i unapređenju ribljeg fonda i organiziranju sportsko-rekreativnog ribolova vrednovat će se pojedinačno od 0 do 3 boda, a maksimalni broj dodijeljenih bodova je ukupno 9.

Napomena: Dosadašnji korisnik ribolovnog prava ima pod jednakim uslovima pravo prvenstva u dobivanju rješenja o sticanju ribolovnog prava, u skladu sa članom 30. stav (2) Zakona o slatkovodnom ribarstvu HNK.

Svaki navedeni dio ovog Javnog konkursa - dio ribolovnog područja/ribolovna zona od 1. do 4. je samostalan i nezavisan u razmatranju, usvajanju i ugovaranju, te u slučaju da jedna ili više ribolovnih zona ne budu ustupljene na korištenje putem ovog Javnog konkursa, to neće uticati na sklapanje ugovora, odnosno dodjelu ribolovnog prava odabranim podnositeljima prijave za druge ribolovne zone.

Prijave za Javni konkurs s nepotpunom dokumentacijom, podnesene nakon roka i izvan utvrđene forme, te koje nisu u skladu sa uslovima iz Javnog konkursa neće se uzeti u razmatranje.

Otvaranje i vrednovanje Prijava pristiglih na Javni konkurs vršit će Komisija Ministarstva poljoprivrede, šumarstva i vodoprivrede, a u skladu sa dokumentima/dokazima Javnog konkursa, te dostaviti informaciju Ministru. Ministar izdaje rješenje o sticanju uslova za dodjelu ribolovnog prava onom fizičkom licu - obrtniku, pravnom licu ili udruženju sportskih ribolovaca koji ponudi najpovoljnije uslove u skladu sa Javnim konkursom.

Ministarstvo nema obavezu vraćanja dokumentacije pristigle na Javni konkurs.

V NAČIN PODNOŠENJA PRIJAVE

Obrazac prijave na Javni konkurs za dodjelu ribolovnog prava na dijelu ribolovnog područja - ribolovne zone za obavljanje sportsko-rekreativnog ribolova na području HNK može se preuzeti na službenoj stranici Ministarstva www.mpsv-hnz-k.ba i u sjedištu Ministarstva poljoprivrede, šumarstva i vodoprivrede HNK, Hrvatske mladeži b.b. Mostar.

Prijave sa traženom dokumentacijom se **dostavljaju obavezno u zatvorenoj omotnici, uz naznaku NE OTVARATI „Prijava na Javni konkurs za dodjelu ribolovnog prava na dijelu ribolovnog područja - ribolovne zone _____ za obavljanje sportsko-rekreativnog ribolova na području HNK“** Ministarstva poljoprivrede, šumarstva i vodoprivrede, preporučeno poštom ili dostavljačem/primopredajom na adresu:

Ministarstvo poljoprivrede, šumarstva i vodoprivrede HNK

Hrvatske mladeži b.b. 88000 Mostar

VI NAČIN OBJAVE JAVNOG KONKURSA

Obavijest o raspisanom Javnom konkursu objavit će se u dvije štampane dnevne novine, a cjeloviti tekst Javnog konkursa objavit će se na službenoj stranici Ministarstva www.mpsv-hnz-k.ba i u Službenim novinama HNK.

Komunikacija se može ostvariti pozivom na broj telefona 036 445-900, 036 445-914, 036 445-917 ili putem e-mail ministarstvopoljhn@gmail.com.

Rok za dostavljanje prijave je 15 dana od dana javne objave Obavijesti o raspisanom Javnom konkursu u dvije štampane dnevne novine.

VII ZAVRŠNE ODREDBE

Ministarstvo će zaključiti Ugovor o ustupanju ribolovnog prava na dijelu ribolovnog područja-ribolovne zone sa odabranim podnositeljima prijave. Korisnik ribolovnog prava s kojim se zaključi Ugovor dužan je omogućiti obavljanje sportskog ribolova ribolovcima koji imaju nabavljene godišnje ribolovne dozvole za 2024. godinu za ribolovnu zonu.

Svi podnositelji prijave bit će obaviješteni o rezultatima postupka Javnog konkursa.

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo poljoprivrede, šumarstva i vodoprivrede

Broj: 03-20-494-6/24

Datum: 23.05.2024. godine



OBRAZAC PRIJAVE NA JAVNI KONKURS
za dodjelu ribolovnog prava na dijelu ribolovnog područja – ribolovne zone za obavljanje
sportsko-rekreativnog ribolova na području HNK

| |
|--|
| 1. Naziv podnositelja prijave |
| 2. Adresa podnositelja prijave (ulica, broj, mjesto, poštanski broj, općina/grad) |
| 3. Ime i prezime odgovornog lica (kontakt telefon) |
| 4. Broj: telefon, fax, mobitel, e-mail |
| 5. ID broj: |
| 6. Ribolovna zona za koju se podnosi Prijava na Konkurs |

U prilogu Prijave dostavlja se sljedeća dokumentacija (obavezno popisati dokumentaciju):

Broj protokola podnositelja prijave _____/24
U _____, dana _____ 24. godine

Potpis odgovornog lica i pečat